

UGOVORNE STRANE:

I Univerziteta u Sarajevu - Elektrotehnički fakultet, sa sjedištem u Sarajevu, ulica Zmaja od Bosne bb (Kampus Univerziteta u Sarajevu), kojeg zastupa dekan, prof. dr. Jasmin Velagić (u daljem tekstu "**Fakultet**")

i

II UMJETNIČKA GALERIJA BOSNE I HERCEGOVINE sa sjedištem u Sarajevu, ulica Zelenih Beretki 8, Sarajevo, kojeg zastupa direktor, Strajo Krsmanović (u daljem tekstu "Umjetnička galerija BiH")

Zaključile su u Sarajevu, sljedeći

SPORAZUM o saradnji

Član 1. *Predmet ugovora*

Osnov ovog sporazuma predstavljaju uzajamne potrebe ugovornih strana i odnosno zajednički rad na potencijalnim projektima kao i rad studenata Univerzitet u Sarajevu – Elektrotehničkog fakulteta na završnim radovima/tezama na prvom, drugom i trećem ciklusu studija sa primjenom u Umjetničkoj galeriji BiH, kao i potencijalna saradnja na realizaciji projekata i zadovoljavanje potreba i interesa ugovornih strana, za razvojem naučnoistraživačkog i stručnog rada. Ugovorne strane su saglasne da ovaj ugovora ima opći karakter.

Član 2. *Prava i obaveze ugovornih strana*

Fakultet se obavezuje da će:

- po potrebi, a u skladu sa kadrovskim i drugim mogućnostima organizirati rad studenata pri izradi završnih radova/teza koje su primjenjive u Umjetničkoj galeriji BiH,
- pratiti i usmjeravati rad studenata,
- po potrebi angažirati zaposlenike Umjetničke galerije BiH, na projektima iz oblasti za koje je Fakultet kompetentna institucija a koji su primjenjivi u Umjetničkoj galeriji BiH podrazumijevajući i mogućnost formiranja zajedničkih radnih timova, sastavljenih od zaposlenika obje ugovorne strane,
- sporazumno rješavati pitanje mogućnosti angažiranja zaposlenika Umjetničke galerije BiH pri potencijalnoj realizaciji drugih projekata Fakulteta,

Umjetnička galerija BiH se obavezuje da će:

- pružati pomoć Fakultetu u materijalnim i drugim sredstvima na način da bi se omogućio zajednički rad na potencijalnim projektima i rad studenata prvog, drugog i trećeg ciklusa studija Fakulteta,

- prema potrebi, a u skladu sa svojim organizacijskim i prostornim mogućnostima, podržavati rad studenata Fakulteta na završnim radovima/tezama, uz prethodni dogovor ugovornih strana o konkretnom načinu realizacije,
- po zahtjevu Fakulteta, te u skladu sa konkretnim potrebama učestvovati u predlaganju tema i obezbjeđivanju uvjeta za izradu završnih radova/teza svih ciklusa studija,
- sporazumno rješavati pitanje mogućnosti angažiranja zaposlenika Fakulteta pri potencijalnoj realizaciji drugih projekata Umjetničke galerije BiH.

Član 3. ***Aneksi ugovora***

Za konkretne i posebne usluge, bilo da su predmet ovog ugovora ili njegovog konteksta, sačinjit će se posebni ugovori i/ili aneksi ovom ugovora, u skladu sa pozitivnim zakonskim propisima.

Posebni ugovorom, odnosno aneksom ovog ugovora posebno će se regulirati:

- jasan opis konkretnog zadatka/projekta,
- popis svih izvršilaca koji će sudjelovati u njegovoj realizaciji,
- cijenu koštanja predmetnih usluga, ako takve postoje
- uvjete njihovog plaćanja,
- rokove izvršenja zadataka/projekata,
- uvjete njegove realizacije,
- stupanj povjerljivosti,
- način rješavanja sporova (arbitraža), za slučaj spornih situacija, koje mogu nastati tokom izrade zadataka.

Član 4. ***Vrijeme trajanja ugovora***

Ugovorne strane su saglasne da se ovaj ugovor zaključi na period od jedne godine, počevši od 01.02.2024. godine.

Pravo na otkaz ugovora zadržava svaka ugovorna strana, pri čemu je otkazni rok 30 dana.

Član 5.

Ugovorne strane su saglasne da sve eventualne sporove, koji mogu nastati tokom realizacije ovog ugovora, rješavaju sporazumno.

Ugovorne strane su saglasne da je za sve sporove, koji se ne mogu riješiti sporazumno, nadležan sud u Sarajevu.

Član 6.

Ovaj ugovor sačinjen je u četiri istovjetna primjerka, od kojih svaka ugovorna strana zadržava po dva potpisana i ovjerena primjerka.

Član 7.

Ugovor stupa na snagu i smatra se pravno valjanim danom obostranog potpisivanja ugovornih strana.

Ugovorne strane su saglasne da su svi navodi iz ovog ugovora tačni, pa ih svojim potpisima uzajamno i saglasno prihvataju.

Za
Univerzitet u Sarajevu - Elektrotehnički fakultet

Za
Umjetničku galeriju Bosne i Hercegovine

DEKAN

DIREKTOR

Prof. [redacted] in Velagić

Strajo Krsmanović

Broj: 02-175/24
Sarajevo, 22.01.2024.

Broj: 01-08/1
Sarajevo, 22.01.2024.

